

Vom Knaatsch unn von de Batschkapp

Ihr liewe Leit, wenn ihr ab heit in unserm Flerschemer Blättsche so Ausdruck außem „Flerschemer Werrderbuch“ lese dut, dess dissjohr noch gedruckt werrn soll, dann hoff ich, dass er e bissi Spass debei habbt.

Weil mir dun joo schunn e Zeitlong dess Werrderbuch im Internet mache – weil merr kann heitzedaach noch su vill iwver Traditione unn aach Historisches noochdenke unn schreibe, ohne dess Internet gieht gar nix mieh! –, also weil mir dess schunn long mache unn ess joo nitt nor die drei Männer sinn, die die Sach oogereescht hawwe, naa, weil aach e Dutzend onnern Leit mett Werrder unn Redensarte debei warn, sinn schunn fast zwölfhunnert Werrder dort ze finne unn ess solle noch e paar dezukomme.

Im Herbst soll noch emol mett jedem, der sich ferr dess Werrderbuch interessiern dut, enn Owend gemacht werrn, weils joo enn Haufe Frooche gewwe dut, die besproche werrn misse.

Im Flerschemer Werrderbuch solle Flerschemer Ausdruck, die sunnst verlorn gieht, gesammelt unn uffgehowwe werrn, awwer aach dess, was su jeden Daach gebabbelt werrd. Unn weil dess, was gebabbelt werrd, joo aach uffgeschriwwe werrn muss, kann merr long iwver die Schreibweis dischpediern.

Weil mirs awwer su uffschreibe wolle wies geschwätzt werrd, schreibe mir zum Beispill: Dess iss enn Werrt!, unn jetz waaß jeder, wies ausgesproche werrd unn aach wies uff hochdeutsch heeßt: Das ist ein Wirt! Grad dess wolle merr erreiche: Dass merr e Wort, was merr suche dut, aach su lese kann wies ausgesproche werrd. Unn dass merr waaß wies im Hochdeutsche haaße dut.

Meisdens giehts doodrum, die Vokale, die Selbstlaute, entwerre kurz odder long ze mache, also de Unnerschied zwische Wert, her, der unn Werrt, Herr, derr unn um de Unnerschied zwische Wal unn Wall, Hund unn Huhn, Hohn unn Honnes.

Also zwaa Konsonante, Mitlaute, mache de Selbstlaut devor kurz. Soll awwer su enn Selbstlaut long ausgesproche werrn, donn lässt merrn alloons odder dut enn verdoppele odder noch mettem h verlängern: mol, aach, hoom, grie, wohl. Merr siehts aach omm Knaatsch unn onn de Batschkapp. Unn dess alles hawwe nitt die Macher vom Werrderbuch erfunne, dess iss im Hochdeutsche su.

Um eich e bissi druff vorzebereide, was in dem Werrderbuch später ze lese iss, duts Flerschemer Blättsche ab jetz so villeicht jed Woch e paar von dene Werrder drucke. Dess hott de Vordeil, dass de Leser schunn heit sisich, wanner will, Gedonke mache kann, unn wenn emm irschend ebbes nitt basst, konner joo mol, wanner will, onn die Zeidung schreibe unn uns dess aach saache.

Dess Werrderbuch werrd gemacht von Hans Jakob Gall, vom Professor Ernst Erich Metzner aus Risselsem unn vom junge Alexander Rühl, der dess, was die zwaa onnern sisich gedenkt hawwe, ins Internet gesetzt hott. Dort stiehts unner *flerschemerisch.de* unn wer Lust hott, kann joo schunn emol doo enoigucke.

Flerschemerisch iss schee – unn Flerschem aach!

Eiern Honnes.